

# Kejayaan DEB ubah sikap, budaya Melayu: Dr M

BH 12 MAY 2000

KUALA LUMPUR, Khamis – Datuk Seri Dr Mahathir Mohamad menegaskan, nikmat yang dikecapi orang Melayu hasil kejayaan Dasar Ekonomi Baru (DEB) bukan saja menyebabkan mereka berubah, malah menimbulkan budaya tidak berterima kasih dan menghapuskan rasa terhutang budi.

Perdana Menteri yang juga Presiden Umno, berkata DEB yang membawa penduduk Melayu dari kampung ke bandar dan menjadikan mereka lebih berada serta tidak lagi 'kais pagi makan pagi' tetapi mampu berbelanja lebih daripada keperluan hidup, sudah membentuk budaya baru bagi orang Melayu.

Malah, ada orang yang mengesyorkan supaya Melayu bersikap kurang ajar sedikit dan syor itu

mendapat sambutan, menyebabkan berkembanglah pendapat bahawa tidak perlu ada perasaan terhutang budi sampai mati.

"Jangan ada langsung perasaan terhutang budi. Jangan berterima kasih kepada orang yang menolong kita. Memaki mereka dan memburuk-burukkan mereka tidak salah. Hanya yang diperlukan ialah bersyukur kepada Tuhan. Nikmat dan rezeki yang kita dapati bukan daripada orang yang menyampaikannya.

"Inilah perubahan yang berlaku kepada sebahagian orang Melayu dan Bumiputera lain hasil kejayaan Umno memaju dan membangunkan mereka. Apakah Umno harus menamatkan DEB supaya orang Melayu kembali menderita dan dengan itu kembali insaf dan

bersatu semula?," ujarnya.

Menyampaikan ucapan dasar 'Perjuangan Umno Belum Selesai' di Perhimpunan Agung parti itu di Pusat Dagangan Dunia Putra (PWTC), hari ini, Dr Mahathir berkata budaya baru bagi sesetengah Melayu bandar itu diburukkan lagi oleh orang politik yang berkepentingan.

"Jangan berterima kasih kata orang ini. Jika kami berkuasa kami juga akan memberikan yang sama kepada kamu dan mungkin lebih daripada itu. Oleh itu, tolak saja orang yang sudah berbudi kepada kita. Sebaliknya gigit tangan mereka," tegasnya.

Dalam ucapannya selama kira-kira sejam setengah itu, selain mengimbuai kejayaan DEB dan kesannya kepada orang Melayu,

Presiden Umno turut menyentuh mengenai bahaya globalisasi, tindakan Pas mengambil kesempatan daripada kes Datuk Seri Anwar Ibrahim dan memberi amaran keras mengenai bahaya politik wang dalam parti.

Dr Mahathir berkata, ahli Umno juga sudah lupa kepada semangat keMelayuan dan menjadi tamak. Penyertaan mereka dalam Umno kerap kali disebabkan untuk mendapat jawatan dan nikmat tertentu.

"Ada yang ingin mendapat kekayaan dengan mudah. Justeru itu, perebutan sering berlaku untuk menjadi pemimpin Umno di semua peringkat, dari ketua cawangan sehinggalah ke presiden parti," katanya.

**LIHAT MUKA 4**

# Umno bukan tempat untuk kumpul kekayaan

DARI MUKA 1 BH 12 MAY 2000

Beliau memberi amaran kepada perwakilan perhimpunan itu, segala rancangan untuk memajukan orang Melayu dan Bumiputera lain akan gagal jika rasuah dan ketamakan menjadi sebahagian daripada budaya parti.

Umno, katanya, tidak pernah berjanji dan bukan menjadi matlamat perjuangannya untuk menaikkan sesiapa atau menjadikan sesiapa berkuasa atau kaya raya.

Jika ada yang menjadi pemimpin atau menjadi kaya raya, ia hanya kerana usaha menjaya dan membangunkan orang Melayu tidak mungkin tercapai tanpa pemimpin berkuasa atau individu Melayu berjaya dan kaya raya.

Perjuangan Umno, katanya, adalah perjuangan mulia dan suci. Umno berjanji untuk membangun dan menjayakan bangsa, agama dan negara seperti disebut secara jelas dalam perlembagaan parti.

Sementara Umno boleh menguruskan kemiskinan serta jurang perbezaan antara kaya dan miskin, menambah golongan menengah dan menaikkan pendapatan per kapita, ia tidak boleh menjadikan semua rakyat sama dari segi kedudukan, kuasa dan kekayaan.

"Akan ada di kalangan kita orang yang secara relatif miskin dan tidak mendapat kedudukan yang diinginkan mereka, orang yang menjadi pengikut dan bukan pemimpin.

"Kenyataan ini mesti diterima. Jika kita tidak dapat menjadi Perdana Menteri walaupun kita layak, kita terpaksa terima bahawa tempat yang ada hanya satu saja," katanya.

Dr Mahathir berkata, keahlian

gala-galanya akan berkecai jika pengamal rasuah menjadi Perdana Menteri dan menyertai Kabinet.

"Memang pun sudah ramai yang meluat dengan wakil rakyat dan pemimpin-pemimpin Umno. Sekarang ini Umno mengadakan pemilihan untuk Majlis Tertinggi. Sepatutnya kita cuba melalui tingkahlaku kita, kesederhanaan kita, kesopanan kita supaya sokongan kepada parti kita dapat dikembalikan.

"Tetapi kita tidak menghiraukan perasaan meluat orang. Kita terus mengejar kepentingan diri kita. Benar tidak semua calon menggunakan wang. Tetapi ada calon yang menggunakan wang. Apa gunanya populariti yang dibeli? Bolehkah kita berbangga jika kita dipilih bukan kerana kelayakan kita, tetapi kerana rasuah?" ujar Dr Mahathir.

Perdana Menteri berkata, walaupun ramai yang sudah bosan dengan sajak "Perjuangan Yang Belum Selesai", hakikatnya ialah perjuangan Umno dan orang Melayu bukan saja belum selesai, malah perlu diperhebatkan kerana cabaran sekarang lebih besar.

Cabaran itu, katanya, bukan sahaja dari luar, tetapi dari dalam, daripada Bangsa Melayu sendiri, bahkan daripada Umno sendiri. "Jika kita tidak sedar dan berjaga-jaga, besar kemungkinan yang dikejar tidak didapati dan yang dikendong berciciran," katanya.

Perdana Menteri berkata, di negara ini, ada orang Melayu yang membenarkan diri mereka dihasut oleh musuh supaya menggagalkan usaha untuk memaju dan mengemshlikan kecemerlangan tamadun

Umno seramai 2.7 juta orang tidak bermakna jika komitmen dan kesetiaan mereka tidak boleh diharapkan. Ramai yang menjadi ahli tanpa mengetahui tujuan dan sejarah perjuangan parti.

Keahlian bukan untuk mendapat sesuatu secara langsung bagi diri sendiri daripada Umno tetapi kerana percaya perjuangan Umno akan membawa kejayaan dan kemajuan kepada bangsa, agama dan tanah air.

"Kejayaan bangsa, agama dan tanah air tetap akan memberi sesuatu kepada diri sendiri, walaupun hanya mengembalikan maruah sahaja. Tetapi kita sudah lihat bagaimana kejayaan bangsa, agama dan tanah air telah menguntungkan kita.

"Justeru itu, jika kita jayakan bangsa, agama dan tanah air, sudah tentu kita akan mendapat lebih banyak nikmat dan keuntungan. Perasuah mungkin mendapat sesuatu bagi dirinya tetapi bangsa yang dipenuhi oleh perasuah, tetap akan dihina dan musnah akhirnya.

"Perasuah dalam bangsa seperti ini tidak akan kekal dengan kekayaannya. Sudah terlalu banyak contoh negara seperti ini yang kita lihat sekarang," katanya.

Sambil menegaskan perwakilanlah, sama ada secara langsung atau tidak, yang menentukan sama ada perasuah dan orang tamak memimpin negara atau sebaliknya, Dr Mahathir berkata se-

Melayu dan Islam.

Tokoh-tokoh Islam, katanya, suka menyalahkan orientalis Barat apabila membincang tenatnya orang Islam. Mereka menuduh kumpulan tertentu ditubuhkan oleh British dan Yahudi untuk memecahbelahkan orang Islam dan menghalang kemajuan mereka di dunia.

"Ajaran bahawa dunia ini adalah untuk orang kafir dan akhirat dikhususkan bagi orang Islam amat disukai oleh musuh Islam. Mereka tahu kepercayaan ini di kalangan orang Islam akan menyebabkan mereka asyik dengan berbagai-bagai kepercayaan dan kegiatan yang kononnya diwajibkan oleh agama Islam sehingga tidak ada masa untuk memajukan diri mereka di dunia," katanya.